

欽定四庫全書

史部

滇畧卷

六五

欽定四庫全書

史部

滇畧卷五

通文四

詳校官編修臣曹振鏞

檢討臣德生覆勘

總校官庶吉士臣倉聖脈

校對官主簿臣汪日贊

謄錄監生臣王寶唐

欽定四庫全書

滇畧卷五

明血謝肇淛西撰

績畧

炎徼殊域隔絕中華不有作者孰造草昧自周以來

上下二千載矣將帥披荆榛以戡亂使臣銜王命以

宣教監司守令撫瘡痍以致太平皆出萬死一生殫

精竭知然後革蛇豕之俗奏尺寸之功何容易也金

碧不泐滇洱無波蘋薦相仍棠陰未改後之蒞茲土
者覩難而思易攷前詰而景行焉則幾矣

周莊跨者楚莊王齋也威王時為將軍將兵循沅江畧
巴黔以西軍至苴蘭採船於岸而步戰遂滅夜郎至
滇池方三百里池旁平地肥饒千里以兵威定屬楚會
秦司馬錯伐楚取黔中道絕不通因王之西南夷之
有楚風自跨始也跨將小卜者戰死於姚姚人立祠
祀之

漢司馬遷元封元年以郎中奉使巴蜀南畧邛笮昆明
報命

司馬相如元封二年以中郎將持節開越徭與副使王
然于壺充國呂越人馳四乘之傳畧定西夷邛笮冉
駝樛榆諸君長詣為臣相如至若水樛人張叔盛覽
等皆往受學文獻于是乎始

郭昌元封初以將軍率八校尉擊苴蘭斬首數萬遂平
南夷為牂牁郡諸夷皆震恐請臣置吏昌復發巴蜀

兵擊滅勞深靡莫以兵威諭滇滇王舉國降元封六年益州昆明反復以昌為拔胡將軍討定之時有中郎將衛廣者與昌同行其後有水衡都尉呂辟胡軍正王平大鴻臚田廣明句町侯亡波皆擊夷有功

南中

志云亡波夷渠帥也
以助擊反者封侯

文齊廣漢人王莽時益州越雋諸夷亂擊之不克乃以齊為太守造起陂池開通溉灌墾田二千餘頃率厲兵馬修障塞降集羣夷甚得其和及公孫述據益土

齊固守拒險述拘其妻子許以封侯齊遂不降聞光武即位乃間道遣使自聞蜀平徵為鎮遠將軍封成義侯於道卒詔為起祠堂郡人立廟祀之

劉尚建武初夷帥棟蠡與滇池弄棟連然諸夷反尚以威武將軍發廣漢犍為兵及朱提夷萬三千人擊之諸夷棄壘奔走獲殺畜無算復進兵連戰皆破之追至不韋斬棟蠡首虜七千餘得生口五千七百馬三

千匹牛羊三萬餘頭諸夷悉平

張翕巴郡安漢人永平初為益州太守政化清平甚得
夷和在郡十七年卒夷人愛慕如喪父母蘇祈叟二
百餘人齋牛羊送喪至翕本縣起墳祭祀詔書嘉美
為立祠堂至元初間諸夷復叛天子以翕有遺愛乃
拜其子湍為太守夷人歡喜奉迎道路曰郎君儀貌
類我府君後湍頗失其心有欲叛者諸夷耆老相曉
語曰當為先府君故遂以得安其後廣漢馮顥繼之
政化尤多異跡云

陳立臨邛人為連然長不韋令蠻夷畏之遷牂牁太守
時夜郎王興叛請誅之未報乃從吏數十人行縣至
興國興來謁立數責即斬其首衆皆降句町王震恐
入粟千斛獻牛羊勞士立歸興子復叛立募諸夷與
諸尉長吏共擊斬之西夷悉定徵詣京師賜爵左庶
長

鄭純字長伯邠人明帝時為西部都尉政令清潔化行
夷貊君長皆獻土珍頌德美天子嘉之以為永昌太

守純與哀牢夷人約色豪歲輸布貫頭衣二領鹽一斛以為常賦夷俗安之常璩南中志稱其獨尚清庶毫毛不犯夷漢歌詠表薦無數上自三司下及卿士無不歎賞

王阜章帝時為益州太守政化尤異有神馬四匹出滇池中甘露降白鳥見始興起學校變化其俗

杜軫成都人察孝廉除建寧令以德出政風化大行夷夏悅服累遷尚書郎

張喬安帝時為益州刺史夷獠封離等叛永昌諸夷皆
應之喬遣從事楊竦等將兵至牁榆擊大破之斬首
三萬餘級資財四千餘萬悉以贍軍士降叛夷三十
六種舉劾貪姦長吏九十人黃綬六十人諸郡皆平
會竦病創卒喬上其功勒碑紀之至靈帝熹平中夷
復叛益州太守李顥刺史龐芝將巴郡板楯軍討之

始平

曹鸞巴人靈帝時為永昌太守時黨錮甚嚴鸞上書曰

夫黨人者或者年淵德或衣冠英賢此宜股肱王室
左右大猶者也而久被禁錮辱在囹圄謀反大逆尚
蒙赦宥黨人何罪獨不開恕是以災異迭見水旱薦
臻皆由于此宜加原赦以副天心帝怒殺之

景毅梓潼人靈帝時為益州太守時南夷屢叛用兵累
年喪亂之後民皆困餓斗米千錢室家離散毅至安
集後米一斗八錢

後主建興元年南中渠帥雍闓殺太守附吳與郡人孟

獲誘煽諸夷為亂丞相亮率衆討之由越雋入新開
等並獲素為夷漢所服收餘衆拒亮亮募生致之既
得使觀營陣獲曰向者不知虛實故敗今如此即易
勝耳亮笑縱使更戰七縱七擒而亮猶遣獲獲止不
去曰公天威也南人不復反矣遂至滇池益州永昌
牂牁四郡皆平即其渠率而用之或以諫亮亮曰留
外人則當留兵留兵則無所食一不易也夷新傷破
父兄死喪留外人而無兵必成禍患二不易也又夷

累有廢殺之罪自嫌釁重留外人終不相從三不易也今吾欲使不留兵不運糧而紀綱粗定夷漢相安故耳於是悉收其俊傑孟獲等以為官屬出其金銀丹漆畊牛戰馬以給軍國之需終亮之世夷不復反按武侯於滇威德最遠距今二千年猶人祠而家祝之其遺蹟故址散見諸郡者不可殫述雲南則有諸葛營及刻碑文曰碑即仆蠻為漢奴夷有過者常以石搯之有盟蠻臺大理有畫卦臺天威遷諸葛城故

壘及印篆臨安有諸葛山永昌有諸葛營旗臺糧堆
打牛坪諸葛寨諸葛堰楚雄有破軍山卧龍岡湯圓
箐武臺髮州營曲靖有盟夷山分秦山八塔雙井激
江有諸葛營蒙化有魏寶山玄珠白塔鶴慶有諸葛
寨泉及池姚安有武侯塔遺壘土城武定有故城諸
葛營北勝有祭鋒臺隴川有孔明寄箭山普洱有孔
明營壘車里有孔明碑其他祠廟未可勝數諸蠻皆
畏之如天地愛之若祖考革面革心悠久無斃嗚呼

其亦可謂聖而不可知也已

李恢字德昂建寧俞元人昭烈章武元年庾降都督南
郡鄧方輕財果毅夷漢敬其威信及卒帝問恢誰可
代者恢曰人之才能各有長短故仲尼曰其使人也
器之先零之役趙充國曰無踰老臣臣竊不自揣惟陛
下察之帝曰孤之本志已在卿矣遂以為庾降都督
隨丞相亮南征大破蠻兵功最居多封漢興亭侯時左
將軍關雲長子索亦有戰功開山通道常為前鋒今黔

滇有兩關索嶺永昌有關索寨是也後都督捷為張
翼用法頗嚴夷帥劉冑叛丞相亮以參軍馬忠代之
未至羣下咸謂翼宜馳騎即罪翼曰吾方臨戰場當
運糧積穀為滅賊計豈可以黜退廢公家務乎於是
統攝不懈代到乃發忠至因翼之資擊斬冑柔遠能
邇甚垂惠愛南中居官賢者慨與忠俱最焉
呂凱字季平不韋人也仕永昌郡功曹時雍閔等聞先
主崩騎點滋甚凱與府丞蜀郡王伉閉境拒關闔數

移檄永昌稱說之凱答檄曰天降喪亂奸雄乘釁天
下切齒萬國悲悼臣妾大小莫不思竭筋力肝膽塗
地以除國難伏惟將軍世受漢恩以為當躬聚黨衆
率先啓行上以報國家下不負先人功書竹帛名遺
千載何期臣僕吳越背本就末乎曩者將軍先君雍
侯造怨而封竇融知典歸志世祖皆流名後葉世歌
其美今諸葛丞相英才挺出深覩永謀受遺託孤翊
贊季業若能翻然改圖易跡更步古人不難追鄙土

何足宰哉竊聞古義臣無越境之交故畧陳所懷惟
將軍察焉其詞甚嚴正由是威德內著為部中所信
故能全其節及丞相亮南征既發在道而聞已為高
定部曲所殺亮至南中上表曰永昌郡吏呂凱府丞
王伉等執忠絕域十有餘年雍閩高定偏其東北而
凱等守義不與交通臣不意永昌風俗敦直乃爾以
凱為雲南太守封陽遷亭侯會為叛夷所害子祥嗣
三世為永昌太守世稱其賢而王伉亦封亭侯為永

昌太守同時有霍弋者南郡枝江人先仇為守永昌
夷獠恃險不賓弋率偏師討之斬其豪帥安輯勞來
郡界以寧

張疑字伯岐巴西南充人馬忠之討劉胄也疑以師屬
焉戰常冠軍遂平南夷越得郡夷數反前後太守不
敢之郡以疑為之疑將所領徑往誘以恩信蠻夷皆
服盡來降附在郡十五年邦域安穆徵詣成都夷民
隨之朝貢者百餘人及卒夷民無不悲泣為立廟四

時水旱皆祠之

杜良字幼倫晉地人為建寧太守有能聲其後繼良者則耿容陳楷容字仲素廣漢人楷字達之安溪人

晉李毅字允剛鄜人惠帝時任寧州刺史通達治體化王行夷獠及卒西南夷叛衆推毅女李秀領州事秀明與有父風獎勵戰士嬰城固守城中糧盡炙鼠拔草而食伺夷稍怠出兵掩擊破之時毛孟者為州治中

詣涼師告急上不之省孟涕泣曰君亡親喪幽閉窮

城萬里訴哀不垂憐救既慚包胥無哭秦之感又媿
梁妻無崩城之驗存不若亡乞賜臣死朝廷憐之乃
以王遜為刺史

王遜字邵伯魏興人先為南夷校尉比刺寧州披荒糾
厲收聚離散征伐諸夷俘馘千計威行寧土元帝嘉
之賜爵褒中縣公蜀李雄遣李驥來寇遜使將軍姚
岳拒戰于堂浪大破之驥僅以身免追至瀘水而還
遜以其不窮追鞭之百怒甚髮上衝冠冠為裂夜中

卒上憐之以其中子賢為寧州刺史同時有尹鳳

南

志作尹奉

董霸者皆以治行戰功顯

爨深興古人也永嘉中為本郡太守與將軍姚岳同破

李雄在郡有治績今南寧縣南十餘里有興古太守

爨府君碑其後有爨士德爨瓚爨雲者相繼為寧州

刺史皆有遺愛

孫辯江陽人為永昌郡從事太安元年上言南中形勢

七部斗絕晉弱夷強加其土人屈塞應復置寧州以

相鎮慰朝廷從其言復置寧州

朱輔永平中為益州刺史宣示德威綏懷遠夷白狼槃
木等蠻慕化歸義

隋梁毗字景和安定人高祖時為西寧州刺史蠻夷酋
長皆服金冠以金多者為豪雋由此遞相凌奪每尋
干戈邊境無寧日毗患之後因諸酋長以金來餽毗
受置坐側對之慟哭曰此物饑不可食寒不可衣汝
等以此相滅不可勝數今將此來欲殺我耶悉以還

之於是諸夷感悟遂不相攻擊上善之徵為散騎常侍

唐韋仁壽京兆萬年人也高祖時為寧州納款朝廷歲遣使撫接至率貪婪邊人苦之帝素聞仁壽治理以為南寧州都督寄治越雋詔歲一按行慰勞仁壽將兵五百人循西洱河開地數千里稱詔置七州十五縣酋豪賓見即授牧宰威令簡嚴人人安悅將還酋長泣曰天子藉公撫鎮奈何去我仁壽以城堡未立

為解諸酋即相率築城起廨甫旬而其仁壽乃告以
實曰吾奉詔第撫循庸敢擅留夷夏父老悲啼祖行
遣子弟隨貢方物天子大悅仁壽請徙治南寧州假
兵撫定為益州刺史竇軌所嫉阻之尋卒其後貞觀
中將軍王建方永徽中總管趙孝祖開元中待詔何
履光皆以誅夷名震西南

韋皋字城武京兆萬年人貞元初為劍南節度使時南
詔異牟尋雖臣吐蕃苦其貪暴潛求內附皋為書誘

諭之復令吐蕃知以離其好二國果相猜阻異牟尋
歸唐之志益決遣使齎生金丹砂詣皋金以示堅丹
砂以示赤心皋遣屬官崔佐時報之佐時至羊苴咩
城異牟尋令衣牂牁服以入佐時曰我唐天子使者
安得從小夷服直入宣詔書異牟尋恐懼俯伏流涕
受詔使其子及清平官與佐時盟於點蒼山神祠遣
兵襲吐蕃于神川大破之取十六城斷鐵橋俘其五
王降衆十餘萬當時論者以皋為武侯後身云

袁滋字德深蔡州朗山人也為工部員外郎貞元十年
南詔既內附朝廷欲遣郎吏撫循之皆憚往獨滋請
行帝嘉之擢祠部郎中魚御史中丞為冊使賜異牟
尋以黃金印異牟尋跪受詔與滋宴出玄宗所賜龜
物指老笛工歌女曰先帝所賜龜茲樂惟二人在耳
滋曰南詔當深思祖考成業抱忠竭誠永為西南藩
屏使後嗣不絕異牟尋再拜曰敢不承使者之命遣
清平官隨入朝

張羅疋故南詔清平官也為永昌郡都督以破蠻軍擢
大監軍及卒土人為立碑城南稱其義勇有度量時
有鄭回尹仇寬者皆為清平官回本西瀘今為南詔
所虜而心不忘唐異牟尋之歸回之力也仇寬貞元
中入陳地圖獻方物拜散騎常侍

徐雲虔乾符初奉使如南詔與驃信抗禮驃信怒曰貴
府牒欲使驃信稱臣奉貢我已遣人與唐約為兄弟
不則甥舅何貢之有雲虔曰驃信之先由大唐之命

得合六詔為一恩德深厚中間小忿罪在邊鄙今驟
信欲修舊好豈可違祖考之故事乎順祖考孝也事
大國義也息戰爭仁也審名分禮也四者皆令德也
可不勉乎驟信待之甚厚授以木夾送還

趙康蜀人也避亂依南詔蒙氏封之趙州使治其民功
德茂著及卒土人思慕為立廟四時祀之

元姚樞字公茂柳城人從世祖征大理時高祥逆命世
祖欲屠其城樞與張文謙劉秉忠力諫復因夜宴樞

陳宋太祖遣曹彬取南唐不殺一人市不易肆事明
日世祖據鞍呼曰汝昨夕言曹彬不殺事吾能為之
樞馬上賀曰聖人之心仁明如此生民之幸有國之
福也及克大理樞裂帛為旗書止殺之令分號街陌
由是民得相完聚文謙字仲謙沙河人秉忠字仲晦

瑞州人

舒魯杰以元帥治臨安好文學大儒與虞集揭傒斯友
善及為政文雅雍容隱然一儒者也使車里以黃金

采女遺之一無所受蠻酋曰入我土而不為金婦餌
者元帥一人而已其時有普化者成都人宣慰臨安
亦以忠厚嚴明稱

賽音迪延齊沙木斯迪音回人也世祖至元中為雲南行省平
章時宗王托和倫驕虐甚賽音迪延齊與結兄弟其驪王一
聽其所為改設令長教民禮義興農序購經史夷風
翁然丕變平羅幣向和泥雞洞諸蠻威德遠播及卒
士民號哭震野同時有中慶路總管張立道達魯噶

齊愛魯行臺御史中丞程思廉廉訪使張瑾皆有廉

惠神明聲而立道朔文廟開陂池教蠶桑尤為循良

之冠

南詔野史云南詔不知孔子以王逸少為聖人至齊晉地延齊始立孔廟夫滇之學校自漢章帝已

有之唐開元初成羅皮已立孔子廟于國中矣其言終不足辨也

國朝王禕字子充義烏人官翰林院待制洪武五年遣

使雲南諭梁王至謂梁王曰皇明創業統一萬方王

僻在西南未被聲教天子不忍鄙夷命禕輯寧若能

亟奉版圖以歸職方身名俱存不亦偉乎不聽禕又

曰朝廷軫念雲南黎庶不忍盡劉故令開諭若旅拒
不服必奉天討秦甲蜀殲循棧道略沈黎而西犄之
角之腹背受敵王之將佐利王以為功者不少雖欲
泥首牽羊其將能乎王曰漢閉昆明命使莫達唐勤
遠畧祗以自憊天朝若以兵臨雲南金碧以為城昆
洱以為池雖多無所用之禕曰王未聞乎友諒據楚
士誠據吳友定據閩玉珍據蜀重關天塹險邁金湯
兵糧委積淵謀盈庭不四五年率膏鉄質爾元若北

走庫庫特穆爾輩賣降往事俱在可鑒也王自度謀
勇孰愈誠諒兵強地廣孰愈中國天之所廢誰能興
之天之所興誰能禦之今以區區一隅之地逆天犯
順與天下抗不亦誤乎王曰先生之言是也請姑就
館會元使托克托迫梁王殺禕王不得已出禕見之禕
慷慨言於托克托曰天既訖汝元命皇明代有天下上
即寶位已五年燭火餘燼乃與日月爭光耶吾與汝
皆使也以凶威脅我我寧畏死耶托克托厲聲嘗梁王

曰今雖孔聖義不可存梁王不能救祚顧謂梁王曰
雲南之禍自此始矣遂遇害至洪武八年復遣湖廣
參知政事吳雲往諭梁雲字友雲宜興人也比至雲
南沙塘口知院等欲令屈節從事改易制書雲責以
大義以死自誓亦遇害後雲南平贈祚翰林學士謚
忠文弘治間贈雲刑部尚書謚忠節按二使之滇雖
未成功而殺身成仁精忠勁節與日月爭光視長卿
子淵勒遠畧祭淫祠者相去不萬倍哉滇中今有祠

曰二忠有司春秋致祭焉
傅友德字惟學潁川人沐英字文英定遠人俱從高皇
帝龍飛有功賜爵友德潁川侯英平西侯洪武九年
以雲南負固不服殺我使臣遣友德為征南將軍英
副之率師三十萬往討友德從辰沅進英從烏撒進
會于曲靖擊梁兵大破之俘衆數萬悉遣歸農夷人
感泣兵不血刃直趨雲南梁王投水死大軍入城秋
毫無犯遂略潑江臨安諸郡悉平之獨大理未下命

常茂領兵從間道出點蒼山背大軍斬關以入衆悉
驚潰遂拔其城俘段寶二子雲南悉平上詔友德頌
師命英鎮守至十九年復令友德征未靖諸蠻歸封
潁國公英封黔國公世守雲南二十一年百夷屯摩
沙勒等入寇衆三十萬英擊大破之俘斬數萬諸酋
震恐奉方物乞降上嘗言曰使我無西南之憂者英
也子晟昂孫璘琮俱以將畧顯

李觀壽州人胡淵定遠人洪武初俱以裨將從傅友德

定雲南觀初名觀音保元雲南行省左丞也天兵至
歸附從征入獻馬上嘉之賜姓名命鎮金齒署永昌
府事既至宣朝廷德意討叛酋段惠誅之開拓城池
申明律令邊境肅然夷不敢犯及卒淵代之復改築
城於太保山上開屯田練士卒脩廨宇撫流移數年

之間軍政悉舉烽燧晏然俱祠名宦

張志淳曰淵更
觀舊城既可禦

寇防險又使山居城內林木蒼然其績亦不可泯但
據觀之功而無文記又革府為司廢學為舍以貽鎮
守之禍其惡亦不可掩而林公俊創名宦祠于學宮
淵首與焉其亦誤矣廢學之人而記于學何居謂宜

別祀於所移之
城上斯得之已

程本立字原道崇德人洪武初舉秀才入京以小累謫
馬龍他郎甸長官司吏目時王師初靖遺孽尚驕西
平侯沐英布政使張統令本立統領守禦衆難之本
立奮然曰吾當以死救此一方單騎深入楚雒姚安
大理鶴慶麗江開諭利害撫綏安輯自是諸夷悅服
軍民乃安戊寅徵入翰林壬午靖難師至遂自盡
張統字昭季西安人洪武初平雲南以統為右叅政轉

布政使凡雲南貢賦法令壇祠公署與夫典儀程度
皆所規定夷民心孚遠近奠安歷任三十年擢吏部
尚書其時按察使周新副使周樂皆執法庶公不避
刺權要滇人至今思之

王恕字宗貫三原人成化間內臣錢能來滇鎮守怙寵

播虐人不堪命又遣指揮郭英索賄安南幾釀大亂
大學士商輅請舉剛正大臣巡撫雲南恕遂以南京
戶部侍郎改都御史以往既至首下令捕英英赴水

死上疏劾能罪狀併請罷寶玩禽獸之獻又正卯盜

之田上絕交趾之貿易滇始知有生人之樂位至冢

宰張志淳曰商公恪能舉三原王公及王勅錢能而萬公安王公越皆受好沮之均大臣也而賢不肖

王相遠如此

陳麒字夢祥南海人也成化間為按察司副使時鎮守

太監錢能橫甚令藩臬官五日一揖能復不出命錦

衣指揮受禮惟陳正立不屈托疾即退能怒一日見

叱之曰你這蠻子食蛇慣了故此大膽陳曰豈但蛇

豺狼虎豹也要食能目左右欲毆之陳趨出時王恕
為巡撫與麒同心能無如之何既而恕召還麒執法
如故曰有王巡撫則為人無則不為人乎無何進表
行能以事摺撫之逮至滇備加五木坐削籍歸年八
十餘卒同時按察使劉鈺亦以捕郭英得名鈺字伏
和安福人

林俊字待用莆田人正德間為雲南按察副使分巡金
滄嚴明方正撤毀鶴慶淫祠創築趙州城池一時貪

墨望風解綬焚舟虐軍皆置之法自是百姓休息地
方用寧經今且百年父老猶能談之繼其後者則有
姚祥聶賢樊準林仕鳳王惟賢皆以庶惠稱祥字應
龍歸善人賢字承之重慶人準字曰式進賢人仕鳳
字鳴盛莆田人惟賢字仕官中江人

范鏞字鳴遠臨洮人正德間巡撫雲南時大司馬王瓊
專擅不附己者輒構以事鏞獨不附瓊銜之時富民
典史高公韶者先任御史以劾瓊謫官鏞薦之且有

矜狂愚建言傷察等語瓊益憾遂誣鏞擅委都司官
奏行逮治下詔獄欲加重罪不得降職嘉靖改元錄
用而鏞已卒賜祭一壇復其官

張璞字仲美江夏人正德間巡按雲南剛明正直風裁
凜然各府不問華夷巡歷必至鎮守太監劉裕濫取
民間軍牢柴薪醃臘酒米菜戶松子等項銀兩歲凡
幾千璞盡革之裕恚捏奏遣緹騎逮至京下錦衣衛
獄卒璞既得罪代之者懼禍一事不理人目為拋柴

御史

張志淳曰市人市朽木於海東為薪價賤而無餘曰拋柴言其無常於用也應作泡

唐龍字虞佐蘭谿人正德間巡按雲南時嬖人錢寧威震中外金齒參將盧和充錢門下挾讐勘四平民死火其屍事發論斬寧為奏辯遣官會勘行時寧陰囑出之且齋書于龍龍當堂裂之曰和詐為耳官至語龍曰盧和事皆無屍當末減龍曰四人無屍和斂之以減跡耳若得末減則天下酷吏紛然斂人之屍矣吾非不知末減可致富貴恐人云徇錢寧意其將謂

何官氣沮龍立戔和諧下加三木武定酋鳳朝明被
奏許不得襲載金寶二十萬賂寧寧以言脇總兵鎮
守又寄語巡撫曰但了武定事便請往兵部龍至巡
撫首以此示龍龍不可駁還其封備陳鳳氏及朝明
罪惡不當襲狀奏于朝竟得旨降土舍時太監崔和
暴橫龍劾奏之和恚甚然終憚不敢肆丁丑秋滇大
旱龍慮境內有冤獄下令慮囚釋百餘人大雨如注

手遠近以為神

毛鳳韶字瑞成麻城人嘉靖間任監察御史巡按雲南
先是閩鎮為害軍民苦之鳳韶至抗疏斥罷咸稱快
焉後復以僉憲分巡金滄民受其惠

徐瓚字朝儀永康人嘉靖間任按察使土舍安銓叛報
至上下憂之瓚曰醜虜敢稱亂者謂我軍弱也今以
夷攻夷成擒有日矣乃議調沅江蒙化鎮沅等處夷
兵佐以漢軍進勦措處糧餉閱習召募事皆立具畫
夜登城徇師復立招降大旗脇從歸者甚衆賊勢日

哀無何土舍鳳朝文繼叛與安銓合圍省城震恐瓚
登陴呼寇諭以朝廷恩威責以大義寇皆伏地請降
且以復官為言瓚諭令退舍俟命寇遂麾衆而退瓚
即夕走使掣回各哨官軍晨合擊賊大敗之俘獲萬
餘簡審無辜悉為開釋民深德焉家為立祠以功擢

布政使

呂光洵字信卿新昌人隆慶初以兵部尚書都御史巡
撫雲南誅鳳繼祖於武定斬王一新於易門殲高欽

於姚安戮僭號二賊於昆陽諸夷膽落邊境晏然至
萬厯初巡撫鄒應龍征鐵索箐赤石崖諸賊擒酋長
罷勤快等又東征猺獫狁等夷悉平之至今滇人
安枕二巡撫之功居多焉應龍字雲卿長安人

陳應春字汝和閩之長樂人隆慶間以僉憲分巡金滄
方正明察百廢俱興太和有儒生楊霽妻沈氏為祟
所憑百方禳之不去三年骨立生以狀投應春應春
為書一札告之城隍是夜沈氏見祟復來囚首跣足

言汝夫告我於本道城隍有檄捕我我去矣其狀甚
踉蹌言訖竟絕論者謂陳公正人也時同邑陳時範
為方伯清介絕俗布袍蔬食精吏牘人不敢欺有神

明聲至今人稱二陳公焉

二公俱余邑人才品皆為
份榆務式今其子孫俱貧

素若寒士方伯於觀察為
先輩而官滇則先後至焉

漆文昌瑞州人也沈毅有謀畧舉孝廉為永昌撫夷同
知時緬酋應裏連年入寇諸夷各懷反側而猛哈思
化等皆助逆時議欲加兵問罪巡撫都御史蕭彥令

文昌撫之文昌單騎入城壘宜朝廷德意諸夷素服
其庶能咸稽首聽命遂築闕堡典屯田親履原隰相
度地勢悉中機宜至今緬酋不敢內窺以功遷廣南
知府擢兵備副使時猛卯多俺叛授緬文昌授計木
邦擒而斬之邊患訖息騰永之民至今尸祝焉

劉綖南昌人都督顯子也驍勇絕倫萬曆十一年緬酋
大舉入寇破順寧肆焚掠上下震恐詔以綖為遊擊
將軍討之綖率精兵出隴川猛密直抵阿瓦盡降其

衆阿瓦緬巢穴也首聞之恐乃遁歸擒隴川賊長岳
鳳斬之諸夷附緬者聞緹威名望風降服賊勢遂不
復振以功遷去同時參將鄧子龍者豐城人與緹共
進大破賊於姚關斬同叛者灣甸酋景宗真及耿馬
舍人罕虔後緬寇蠻莫復擊敗之繼其後者有巴蜀
劉天俸山陰吳顯忠皆以戰功顯

循良之績志乘不勝書今錄其著者則雲南知府董復

會稽葉元

廣信人

大理知府賈銓

即縣人

吳晟

弋陽人

任轍

巴縣永昌知府嚴時泰餘姚人楚雄知府邵敏長沙人戚

慎宣城鶴慶知府林道節莆田人姚安知府馬自然江內人

人黃澍侯官人王鼎汝州人廣西知府賀勛長沙人尋甸知

府戴鰲鄂縣人林斌莆田人澂江通判晁必登宜賓人為雲南參

政安寧知州伍佐新化人騰越知州李偁吉水人彌勒知

州華剛都勻人南安知州荀詵華陽人何應和東莞人昆明

知縣黃守純關人太和知縣楊樊貴州人浪穹知縣何

宗魯鄂都人剛直硯嘉知縣虎臣麟遊人不受賂昆

為太守所殺

為土官毒死

陽州同知張昇

濟陽人愛民如子運糧至滇池溺死

陳陽

新淦人有異績擢廣東副

使永平主簿郭本

玉融人以御史謫剛直廉介無何召還

趙州吏目諸

葛伯恒

蘭谿人秋毫無取于民州有妖蛇為患必以人祭伯恒仗劍斬之擢陝西參議

文苑則中丞錢塘鄭顥郴州何孟春吳興顧應祥崇陽

汪文盛侍御華亭包節豫章鄧漢藩臬都陽童軒吳

典徐中行四明張時微白門劉麟長洲皇甫汭銅梁

張佳胤縉雲何鏜錢塘陳善甫田方沆閩鄧原岳番

禺郭棐華亭馮時可皆以文章名世而政事助業爛

然不能相掩姚安守李贄雖亦有文名而其末也逃
入緇流橫議殺身君子無取焉

死事則布政使貴溪徐樾死沅江之難姚州土舍高鵠
從之僉事安慶張澤死武定之難都督方政都指揮
顧勇陳翊侯義江洪死於麓川都指揮張雄征鐵索
箐卒于軍姚州土舍高棟死於普安賊大理衛指揮
陳定鶴慶百戶李繼兒及子轅順寧土官經歷董寶
俱征麓川死于陣臨安百戶邵鎰征上江死於陣楚

雄指揮吳繼勛鶴慶千戶初維垣永昌把總李潮岳
順皆先後死於緬武定同知袁俸照磨張成祿勸知
州廣西秦健吏目劉瑀死鳳朝文之難武定衛知事
高心金沙江巡檢俞伯官死鳳繼祖之難武定指揮
金守仁千戶王應爵梅應時黃桂鎮撫金榮高祿豐
知縣封川蘇夢暘祿勸州壽官李資坤父子俱死鳳
克之難

欽定四庫全書

漢書卷六

明 謝肇淛 撰

獻畧

夫枯木輪囷器於萬乘夜光懸黎終老他山世未有
無媒而自致者况荒陬卉服日月所不照臨者哉常
璩南中志蒐剔殆無遺佚不過披沙得金存一二於
千百耳自玉斧一畫大渡中斷帝車無南指之期侏

儒絕見竈之夢湮滅不稱曾不得與藹誓印竹同賓
上國亦不幸矣國家薪樵化洽聲教四訖然後文人
志士鵠起名世者項臂相接然麻中之蓬中駟可以
土駕何者其時勢易也余哀往事蓋詳於遠而畧於
近司馬子長曰巖穴之士非附青雲惡能聲施後世
哉

漢盛覽字長通葉榆人也學於司馬相如所著有賦心
四卷嘗問相如以作賦相如答曰合纂組以成文列

錦繡而為質一經一緯一宮一商此賦之迹也賦家
之心包括宇宙總覽人物斯乃得之於內不可得而
傳覽乃作合組歌列錦賦而退終身不復言賦同時
有張叔者天安穎出過目成誦俗不知書叔每疾之
思變其俗元符間聞相如至若水造梁距葉榆二百
餘里叔負笈往從之受經歸以教鄉人

隗叔通若水人也性至孝母好飲江膺水叔通日入江
取水以給冬夏天為出平石至江膺中人謂之孝子

石見酈道元水經注

許叔善聞人也章帝元和中入中國從師受五經歸教

郡人

尹珍字道直牂牁人桓帝時自以生於荒裔不知

禮義乃從汝南許慎應奉受經書圖緯學成還鄉里

教授於是南域始有學焉官至荊州刺史

爨習建寧郡人丞相亮平南中收其俊傑為官屬習官

至領軍時朱提孟琰者亦以材見收用官至輔漢將

軍入

阿南者酋長曼阿奴之妻也夫為漢將郭世忠所殺欲
妻之贈以衣飾阿南恐逼已給之曰妾欲從君君能
從我三事乎曰從曰一須作幕次祭故夫二須焚故
夫衣易君新衣三須令國人徧知禮嫁明日如其言
聚國人張松幕置火其下阿南抽刀出令火熾盛乃
焚夫衣告曰妾忍以身事讐遂引刀自剄身赴火中
時六月二十五日也國人哀之每歲以是日焚炬聚

會以弔之後人名為星回節
晉龐遺葉榆人也成帝咸和二年蜀賊李雄攻建寧時
遺為秀才起義兵攻雄大破之雄遁走令大猷

謝恕字茂理牂牁人咸和八年寧州為李雄所破
南中盡為雄有惟恕保郡獨為晉官至撫夷中郎將

寧州刺史

傅寶字紀圖牂牁人仕為尚書郎長安令時號南

州人傑

唐段赤城葉榆人有膽畧勇於為義蒙詔時龍尾關外
有大蟒吞啗人畜衆苦之赤城披甲持雙刀赴蟒蟒
吞之刀出于背蟒亦死土人剖蟒腹出赤城骨葬之
建塔冢上煨蟒骨以堊塔焉

楊典永昌人蒙氏時為布燮天寶八載率所部入附天
子下璽書褒美旌其門子孫世為永昌酋長

張志誠善聞人憲宗元和中游成都學書得二王帖寶
惜之日臨數過及歸從學書者甚衆

王仁求安寧人為河東州刺史教民以生聚阜財之道
賦役均平恩義兼濟人心咸服夷風丕變予善寶以
雲麾將軍持節河東諸軍事亦有治蹟

閉珊居集者霑益州烏蠻也精卜筮之學其法用細竹
四十九枚以代著草或以雞骨為之占算如神夷中
稱為筮師

阿呵者馬龍州人納垢酋之後也棄官職隱山谷中撰
爨字字如科斗二年始成字母十千八百四十有奇

名曰遵書爨人至今習之為書祖云

楊竒鯤葉榆人也讀書貫穿百家尤長聲詩唐詩載其
一首云風裏浪花吹又白雨中嵐影洗還青江鷗聚
處憲前見林狄啼時枕上聽

杜光庭灌縣人避地南詔以文章教蒙氏之民太和城
蒙國碑其所書也書有法度為時崇尚及卒蒙學士
爨泰葬之於玉局峰麓依浮屠立廟世傳唐御史祠

晉云

賈餘絢蜀人也善屬文唐初寓雲南作兩蒙王碑其後
丈人流寓者則成都閭丘均雍陶咸陽賈島皆以避
亂至

慈善者唐澄暎詔妻也開元中南詔既強有併吞五詔
之心六月二十五日星回節南詔召五詔燕會慈善
逆知其謀止夫無往夫曰勢不可已婦乃作鐵釧約
其臂而去既而南詔果焚五詔皆為灰燼佯曰五詔
醉失火焚死各詔骸骨無從辨認獨慈善與夫屍而去

南詔聞其誓欲娶之慈善閉城自固南詔發兵圍之
三月食盡乃盛衣粧西向自縛於座竟以餓死臨卒
曰吾往訴夫寃於上帝南詔聞之悔曰誤逼此貞節
婦乃旌其賊曰德源城

宋段宗勝南詔臣也師于國王伐緬緬求救于南詔遣
宗勝將兵救之時詔老子世隆幼權臣楊直顛熾盛
元宗勝恐其篡奪乃請曰今臣救緬若權不重人不用
命必專生殺乃可許之遂出令限七日齊軍於河尾

惟統矢違限遂斬其將乃苴顛子也既入緬得勝獲
師子國旗幟金鼓兵仗而還緬王酬以金寶不取取
佛舍利至騰越聞詔卒苴顛果篡立宗勝與苴顛書
云王崩子幼聞公攝位國家之福也曩承詔旨率師
救緬師子國不戰而潰緬王酬我佛舍利今凱還倘
率國中多人迎舍利境上榮甚苴顛得書率國中耆
艾服龍衣手執金爐盛陳儀衛至義修相見宗勝云
先拜舍利苴顛下拜宗勝斬之歸國求世隆立馬

高量成段氏相也避位不仕築城於威楚之德江村優恤孤寡教誨子弟風俗翕然丕變稱為夷中君子

李紫琮大理人以其主段和譽命為進奉使入貢於宋則過湖南聞學校文物之盛請於押伴求詣學瞻拜宣聖像邵州守張察許之遂往遍謁見諸生又乞觀御

書閣舉笏叩首于御李天科進也然科與答萬入集

元高泰祥者南詔段氏相也世祖率衆二十萬來攻泰祥以死拒戰衆寡不敵走姚州募兵勤王復戰兵敗

被虜世祖訊之不屈欲官之嫚罵不受斬于五華樓
下臨刑曰段運不回天使其然為臣死國職也吾事
畢矣時烈日當午雷電大作風沙愁慘觀者萬人莫
不洒泣元主曰忠臣也命收葬之

陳惠亦段氏臣四川明玉珍紅巾攻善闡梁王奔威楚
總管段功救之與紅巾戰間伺得玉珍母書語子成
功乃返功更其詞募軍中無人敢持書者惠願往功
難之惠曰以吾一命救萬人當不負但老母無養耳

功曰迎爾母宮吾宮膳吾膳爾無顧也惠遂持書往
王珍得書默然揮之出飯惠詣功言狀功下令曰紅
中今夜必回使人偵之果然追至七星關大破之欲
官惠惠不受

王昇字彥高昆明人資稟聰敏官至宣慰副使以文章
政事名於南詔中州文士官滇者咸與交遊同里張
景雲亦以理學文章顯景雲字天祥官登仕郎其時
揚昇太和人性質超邁儒吏兼通至正中以討明王珍

功官木邦路同知卒子寶為姚安路判官從征克蔚
州曹州遷大理路治中梁王段氏構兵寶曰兩兵相
鬪民有供餉鋒鏑之苦極力解和土人深感其德

董文彥通海人任威楚路知事天曆間中慶路鎮將敗
狐判引兵攻威楚官吏皆走文彥獨不去賊欲降之
文彥怒曰汝食君之祿不思報恩逆天殄民滅棄綱
常恨不能殺汝乃從汝反耶賊怒桎梏之文彥罵不
絕口截其耳使啗焉文彥嚼血噴賊遂遇害明年敗

狐伏誅事聞賜謚莊愍官其子時中為祿豐主簿

揚淵海南詔臣事段功功有寵於梁王淵海逆知其不
終累以為言功不聽淵海出語人曰吾王與我無生
還日矣人怪之曰主有怙寵於君何預淵海曰豈有
食人之食而不同其難者明年功果為梁王所害淵
海死之

揚惠楚椎人父蚤喪事母劉氏盡孝母遭疾幾危惠不
櫛髮不解帶者月餘禱神求以身代劉氏夜夢神告

之曰爾壽當終為爾子孝誠所感今特延之次日果
瘳壽至八十五卒惠負土營墳廬於傍者三年哀毀
喪明有司以聞旌其門蠲其徭役同時昆明則楊立
義臨安則張友直董茂春河陽則段文瑞姚州則趙
和皆以至孝著稱朝廷旌之

麥宗者通安州麼些人也生七歲不學而識文字偶入
玉龍山中見石盎中水飲之遂知禽鳥語一日羣鴉
在林有一鴉從南來哀鳴甚急羣鴉從之宗曰此雄

鴉為白沙里人所弋迹之果然長而百蠻諸夷之書
無不通曉善開國稱為異人焉

楊保揚名太和人皆段氏臣洪武十五年天兵入大理
保遣弟名往探緩急約以翌日日出為期名過期不
至有頃聞國破遂自縊死名至亦解弓弦自縊國人
義之合葬於弘圭山

阿結者梁王女也梁為紅巾所攻平章段功救之梁王
德功以女妻焉既頗猜忌欲醜之結知其謀以告功

不信遂遇害結悲憤作詩自悼不食而死時功女羌
奴方幼聞變手繡一旗為志誓復父讐及嫁以付其
弟寶詳見雜畧

國朝吳孝先嶠峨人也幼名虎兒洪武間方十歲隨父
出遊父偶為虎所攫孝先皇遽間取父所佩刀斫虎
腰應手而斃父得生還人咸異之一時稱為孝童

丁嵩永昌人有至性自少至壯動無違禮開館教里中
子弟從者如雲洪熙中舉懷才抱德科辭不就徵宣

宗即位下詔求直言嵩陳首務八策一曰正心術則
天道應二曰重經筵則宗社福三曰開言路則聞見
定四曰用賢才則政治美五曰總大綱則庶務舉六
曰汰冗兵則軍儲足七曰重守令則邦本寧八曰崇
節儉則財用足上嘉納詔所司強起之至中道卒所
著有橫峰樵唱

李純昆明人少不羈有智畧正統間舉孝廉為監察御
史按遼東時土木之變純曰敵人以我兵勤王而西

必出吾不意乃選精銳八百分布要害敵果以二萬
騎直趨遼東未至二十里純設兩伏待半入舉火擊
之敵騎中斷斬馘無算自是不敢復窺東陞後巡撫
榆林大敵壓境純微服潛行敵中盡得其虛實部署
諸將擊其不備大破之敵遠遁去卒于官八日
段子澄太和人為諸生時即以志操自厲鄰女私奔却
之不內路得遺金求還其主及入試試官得其卷夢
有神人薦之遂舉天順壬午鄉試第一仕至別駕鬱

鬱不自得竟謝病去居鄉以盛德雅量見推里閭謂
太丘彥方之亞也

揚一清字應寧安寧之石淙人也父景始徙巴陵幼穎
悟絕倫一覽成誦八歲舉神童入翰林憲宗命內閣
選師教之十四舉於鄉成進士歷事四朝出將入相
經略固原以五千人破敵數萬總督三邊築河套邊
城增兵花馬池邊境肅靖其用兵如神算無遺策臨
機應變動合事宜再入內閣與張永共誅逆瑾反危

為安宗社賴之官至少師大學士卒謚襄敏

趙弼字廷直太和人舉成化辛丑進士官至太僕丞清
介恬靜始終一操僚友有馳競者耻之不與言罷官
里居躬耕南畝與農夫耦晏然自足若未嘗顯者同
榜姚祥來為監司過其廬弼適芸田投耒見之詞色
無怍祥問生事何窶答曰差勝諸生時矣遺之金不
受祥歎息而去

楊輔字存誠太和人博學多聞隱居不仕孝友好施家

費盡以予人自甘粗糲庭前桂樹扶疎蟠感巢居其上命曰桂樓讀書不輟一日硯水枯欲下取之顧視則水溢矣自是遂通靈異神明後人難足栖巖穴中八十餘卒卒之日交遊盡見其至家為別又有人於安寧道上遇之疑其仙去也所著有桂樓集篆隸宗

張源行世

張志淳字進之永昌人天性聰哲六藝咸通登成化甲

辰進士為選部郎用賢拔滯門無私謁歷官戶部侍

郎謝病歸功業夙節為時崇尚晚歲著書自娛有南
園集西銘通南園漫錄續錄行世

張璉字廷璧平夷人成化三年進士為重慶守治行為
天下第一弘治初南贛閩廣夷寇為亂以璉備兵江
右既至治城池積糧糗練士卒修器械設防禦地方
賴以無虞尋以事去郡盜復起詔復任璉賊聞其至
悉解散歲餘復謝病歸家四壁立璉有吏才通達治
體盤錯立解所至有神明聲然以剛直不阿未究其用也

楊南金字本重鄧川人弘治己未進士為泰和令有三
聚不動之謔謂刁詐脅不動財利惑不動權豪撓不動
也擢監察御史時逆瑾威震中外都御史其黨也凌
辱屬官南金不為屈一日叱欲縛之南金解冠帶曰
不作此官便了豈可屈于權奸乎即日出都行二百
里瑾使人捕不及除其名嘉靖初起楚臬尋謝病歸
性嚴重不苟言笑至於扶良善卹孀寡竭力為之八
十餘卒祠於鄉

雷應龍字孟升蒙化人正德甲戌進士為莆田令有古
循吏風所建立皆愜民心巨璫遣人督方物甚橫應
龍械繫之擢侍御史伉直敢言嘉靖初因災異上八
事曰務實學親大臣放宮人去無益正禮教改編發
宥罪謫均賦役上嘉納之有中貴營乞織造得請應
龍手疏極論之不報恚憤成疾卒中外莫不嗟悼

張西銘字希載寧州人母夢黃鶴入帳而生年十三五
經皆成誦舉進士為金谿令先教後刑民相戒無敢

犯法者縣有虎暴西銘為文禱於神虎遁去蝗傷稼
亦隨禱而滅拜監察御史按遼東繕城塹閱軍實劾
邊將失律者邊境以寧平生博雅脩潔為政識大體
不為苛察卒之日朝野皆悼惜云

趙德宏字有容鶴慶人舉孝廉孝友謙恭人無間言父
在京病劇宏為嘗糞及卒哀毀骨立假貸營斂徒跣
偕傭人肩輿以歸廬墓三年歎有白犬朝夕相伴小
鳥巢於塋樹呼即啄食知府唐標親至其所唁之賻

贈有加出判順慶知潼川咸有異政撫麗江夷土舍
高鵬餽金八百宏立却之里居環堵蕭然當事榜其
門曰孝廉

楊元字務本永昌人潛心理學沉默靜坐頓悟邵子先
天數學人有叩者應驗如響為諸生遊太學歸隱居
不仕從學者甚衆當道重其為人時有饋遺悉辭不
受強之則封識以待其去任還焉所著有納甲圖九
圭數學基指南行世

楊全劍川人父繼宗為土官部曲海真所殺全方在襁
褓及長知父死非命矢志復讐乃拜海真夫婦為父
母一日治酒邀真酒醉拔刀殺之土官聞欲甘心焉
全竄入麗江為麗江奏他事連土官得請土官死于
獄全曰吾事畢矣遁入山中窮困以死

楊士雲字從龍自號九龍山人正德丁丑進士改翰林
院庶吉士授給事中以養母乞歸不復出嘉靖初詔
強起之補宮寮辭疾不就人問其故曰吾豈能俯仰

人以求進乎居里二十餘年郡縣罕見其面鄉人不
知婚娶喪葬之禮士雲條析教誘令易奢為儉通國
化之自少至老手不釋卷又精風角每中夜步觀星
緯或喜或歎不以語人所著有皇極天文律呂諸書
紀經綸字肫夫臨安人天資純樸不妄一言里中稱為
篤行君子嘗市一婢察其言貌頗異問之曰父為百
戶立功貧迫至此遂養為己女厚嫁之舉孝廉為上
蔡令以計擒劇賊黑龍黑象黑虎等開溝繕城百姓

利之跡其生平志操無媿於前哲云

張含字愈光志淳子也舉於鄉不仕遊梁楚間善為詩

李獻吉何仲默咸亟稱之里居時成都楊修撰慎謫

戍金齒意不可一世而獨與含友善倡和不絕手為

點定其詩有禺山集行世時太和布衣董難者字西

羽亦以詩名從慎遊寓蕩山一樓輯轉注古音不樂

仕進以終其身

孫繼魯字道夫進士仕至都御史慷慨有大節秉正嫉

邪不阿權貴守衛輝以忤閹人逮詔獄民遮道號哭
卧轍下死者十餘人調淮安有羨銀萬金例為督撫
及守用者繼魯分毫不取督撫欲取之亦不與也歷
官至都御史撫山西竟以愆直為輔臣中傷下獄死
死之日所治民聚千百於京師巷哭之長安為之罷
市隆慶初加贈祭謚清愍

李資坤字伯生昆陽人也幼以孝友端謹聞舉孝廉歷
官郡守所至咸有異績肅皇帝考庶吏為天下第一

居家置義塾教子弟不詣公府性剛介寡合而好古
信義老而彌篤積書數萬卷研誦終日自稱一蠹居
士

李元陽字仁甫太和人少夢神人授錦三丈令吞之既
寤詞藻竒進舉進士選庶常吉士以議禮不合謫分
宜令有異政拜監察御史侃侃敢言獨立不阿當事
者銜之會扈駕至荊州荊州守缺即推元陽無何竟
罷之元陽傲儻有竒節文章德行皆為中外崇重家

居孳孳為善惟恐不及兩修郡乘卓然成一家言年
八十餘卒元陽為御史時按閩墨吏望風解印綬去
遇文人墨士雖布衣與抗禮後大理高對至風裁尤
峻捕境內豪強一空閩至今稱兩御史云

郭文字仲炳昆明人浮家泛宅以詩自娛常往來滇洱
間自號舟屋楊慎稱其竹枝詞云金馬何曾半步行
碧雞那解五更鳴儂家夫婦久離別恰似兩山空得
名又登太華寺一聯云湖勢欲浮雙塔去山形如擁

五華來一時詞人咸為閣筆有舟屋集時同邑李尚
文者亦布衣有詩名遨遊公卿間及揚林蘭茂安寧
張維皆以文章行誼為鄉里崇尚絕意仕進模楷後
學時人為之語曰揚林有蘭安寧有張而太和段錦
文金齒湯琮曲靖項瑄柴宗儒鶴慶奚謙姚安李黻
先後隱居不仕咸有時稱琮題鸚鵡詩云翠閣香閣
帶綠陰忽聞靈舌嘒嬌音總將懷袖溫存意不稱雲
林自在心籠絡反因毛羽誤矜誇休羨賦辭深隴山

煙雨春離小莫遣虞羅著意尋當時目為湯鸚鵡又
有明經陶寧者字致遠亦永昌人有詩云杜宇枝頭
百舌吟何人不動惜芳心桃花紅雨梨花雪鋪得春
愁一寸深又題菜燈有云草堂照破蠶鹽夢華屋燒
殘肉食心惜其全集不傳張志淳南園續錄又載一
塾師送客詩云紛紛車馬駐江干布襪青鞋我獨難
惟有相思心一片隨君千里到長安山行云山勢似
墮不墮水聲欲停未停行過小橋回首天然一幅丹

青如此類甚多而識字尤博乃姓名湮沒無聞可惜也

嚴清字

明

昆明人登嘉靖甲辰進士歷官清介秋毫

無取月俸衣食之外以贍親故布袍蔬食終其身萬
厯初為吏部尚書裁汰冗俸振拔寒峻中外仕路為
之一清無何致政歸家居室廬仍諸生之舊當事者
欲為更新力辭不可杜門却軌卒世無所造請論者
謂楊襄敏之後一人云

揚雨太和人郡吏也有志節不與胥曹偶人覬之問所
從來出借貸則不受曰已有之則受十之一久而知
其庶也皆給曰貸槩不受也雨方正悻直有寃事必
力爭於庭守怒笞之起而復爭初疑其有私既知無
他亦時時嘉納之一時無寃民云冬月其鞞無襪藉
之以草後滿徑入難足山郡守聞諸當事者往物色
之不得也

趙愷尋向人性行誠樸為鄉人所重嘉靖六年銓賊攻

城愷首率眾拒敵力不支為所執以刀加頸欲脇從
之愷給之曰待回率家眷相從賊信釋之愷至家集
眾於前曰今賊勢猖獗人民殺戮殆盡吾惟有死而
已我若死汝等舉火焚屋毋致我屍骸暴露可也遂
登樓自縊而死眾亦舉火闔家皆自焚惟幼男景新
年十三以他出得免時有庠生馮世傑火頭必沙者
俱以抗賊死

國朝以遷謫流寓入滇者不可勝數而最著者則學士

王景常武功伯徐有貞修撰揚慎云景常名奎松陽人洪武初為山西參政以事謫戍臨安博學宏才詩文高古一時翰墨之士咸從之遊無何名還為翰林學士有貞初名理字原玉姑蘇人其學自天文地理兵法河渠以至陰陽方術風角醫卜無不洞曉詩文雄偉奇麗謫戍金齒僦一小室荷爨從役不異行伍三年赦歸慎字用修成都人以議禮廷杖戍永昌歷遍湖山以詩酒自娛興到輒揮洒淋漓夷夏得其片

紙藏為至寶從遊者以千百計竟卒于雲南今高曉
其讀書處也又有韓宜可字伯時山陰人劉寅崞縣
人高華山東人祝雍德興人皆先後謫戍至流風餘
韻至今人能道說之

<p>... 卷六 ...</p>	<p>... 卷六 ...</p>	<p>... 卷六 ...</p>	<p>... 卷六 ...</p>	<p>... 卷六 ...</p>	<p>... 卷六 ...</p>	<p>... 卷六 ...</p>	<p>... 卷六 ...</p>
-------------------	-------------------	-------------------	-------------------	-------------------	-------------------	-------------------	-------------------

滇畧卷六